

Sra. Nanette Marie Arends

MESTER DI UN KLAS APART PA E MUCHANAN STRANHERO SIÑA IDIOMA

ORANJESTAD (AAN) Continuando cu su topico concerni e consecuencianan di e fluho di muchanan stranhero na Aruba pa cu enseñanza, e miembro di Consejo di Partido PPA Sra. Nanette Marie Alders a sugeri pa adapta na e diferente schoolnan tanto den enseñanza basico como den enseñanza secundario un klas apart pa muchanan aki pa nan sinja e idioma cu algun otro materia banda dje y despues di un o dos aña dependiendo di e mucha pase pa e klas cu e mester ta aden. Esaki ta duna e posibilidad na e muchanan pa por forma un circulo di amigo na e school cu muchanan di su mesun edad sin e efecto deprimente y frustrante di ta den un klas hopi mas abao cu nan mester ta y cu por tin efecto si-cologico traumatico.

Sra. Alders a sigui bisa, e por tin consecuencianan den e rendimento di e mucha na school. Te na quizas haci cu e ta perde tur interes pa school di sinja, siendo cu quizas door di su inteligencia e por a yega hopi leeuw den su estudio. Tin personanan aki na Aruba cu kier mantene e muchanan den nos sistema di school regular y crea den e klasnan mes e condicionnan pa por traha cu e muchanan aki, pero esey lo significa cu lo mester recapacita e maestronan o quizas mester duna cada maestro un asistente. "Pami e ta casi lo que nos ta bisa den Hulandes 'onding', pasobra e ora ey o bo ta pone tur bo leerkrachten den banki bek y cuminsa casi full di nobo pa bo por capacitanan pa por duna les den diferente idioma, aparte cu nos tin di bisa cu hopi di nos leerkrachten cu quizas pa un motibo o otro nan lo ta domina e idioma spanjo suficiente pa por duna les den e idioma aki. Vooral esnan den basis onderwijs. Nan exigen-

cianan pa por a duna les sigur sigur no ta inclui e duna-mento di les den otro idioma cu no ta Hulandes o quizas lo tin di duplica e cantidad di maestro pa por duna cada maestro un asistent, lo cual no por, pasobra nos presupuesto nacional no tin e fuerza pa por carge. E personanan aki ta pensa cu e ta un discriminacion si bo pone nan apart na un aña pasobra nan tin mes derecho. Esey ta verdad. Esey ta den teoria y mirando e den su totalidad, Pero ora bo waak e pa cada mucha individual e ta completamente otro ball game, pasobra den practica e muchanan stranhero ta sinti nan mes discrimina pasobra nan no por comunica cu ningun mucha y automaticamente nan ta isola nan mes".

Finalmente Sra. Nanette Marie Alders miembro di Consejo di Partido P.P.A. a bisa "Nos mester waak desde e punto di bista di e mucha stranhero tambe. Pasobra nan tin e mes un derecho di tin e mesun oportunidad cu e resto di e mucha rubianonan cu si ta compronde e idioma y por sigui e lesnan. Si nan por papia e idioma ta dunan e mesun oportunidad di demostra cu nan por siña bon. Esaki no ta discriminacion sino e ta e manera mas practico pa yuda e mucha integra su mes den nos comunidad. Mi ta kere cu nos mester ta conciente di e responsabilidad social y moral di enseñanza den nos comunidad. Mi tin di bisa tambe cu na momento cu nos a dicidi cu nos mester di stranhero pa bin traha aki na Aruba y nos a habri porta pa nan, nos deber ta pa trata nan cu tur respet y derecho cu nan merece y nan tambe na e otro banda coopera cu nos pa asina nos por yega na un solucion cu ta combini ambos parti. Y sigur esaki especial-

mente mester conta pa e muchanan extranhero",

tabata deseonan di Sra. Alders pa e muchanan extran-

hero aki na Aruba cu tambe mester di educacion.

TIPICO PLACENTERO A REGALA MANDATARIONAN COMPACT DISC



ORANJESTAD [AAN] Integrantenan di e e grupo musical Tipico Placentero, Ritmo y Cuerde den persona di Tico Kelly e director musical y Hemmy Croes, manager di e banda a regala nos mandatarionan nan compact disc cu a sali ariba mercado cu 8 pieza, cu folklore di Bonaire, un danza, tumba, wals, merengue, bolero, salsa y nan hit di ambiente di pasco e

Paranda Placentero.

E mandatarionan ta Prome Ministro Nelson Oduber, Ministro Roland Lacle, Ministro Fredis Refunjol ta esnan cu a ricibi compact disc ritmico di Tipico Placentero Ritmo y Cuerde.

Segun Hemmy Croes tanto e 500 cassette y e 500 compact disc di e mesun grabacion a haya bon acogida den e amantenan di musica local.

Un palabra di agradecimiento y pabien ta bay sin duda pa Watapana Recording Studio como CD Disc Makers di Philadelphia. Diadomingo ultimo a bautisa e compact disc. Pabien na tur e integrantenan di e grupo musical Tipico Placentero Ritmo y Cuerde, pa nan elevacion di nos cultura musical tanto local como internacional



SAN VALENTINO

E aña aki tin e oportunidad pa pone un mensahe of poesia pa e ser queri den bo corant preferi

DIARIO
E MATUTINO DI ARUBA

*Bisa bo amor cuanto bo ta stima.
E ta costa solamente Afl. 5,-
Ultimo dia pa haci esaki ta dia 13 di Februari.*

14 FEBRUARI

NEW RESTAURANT

on
L.G.Smith Blvd.

Is looking for Aruban

Busboys, Busgirl, Waiters, Waitress, Barman

Please apply on Thursday Feb. 11, 1992 /Wednesday
Feb. 12 1992 from 3:00 pm - 7:00 pm at
Heidelberg Restaurant L.G. Smith Blvd.